

新
唐
書

二
十

后妃列傳上第

唐

端明殿學士兼翰林侍讀學龍圖閣學朝請大夫掌書卷部郎在翰林院待詔宋祁撰

敕撰

唐制皇后而下有貴妃淑妃德妃賢妃是爲夫人昭儀昭容昭媛
脩儀脩容脩媛充儀充容充媛是爲九嬪婕妤美人才人各九合
二十七是代世婦寶林御女采女各二十七合八十一是代御妻
自餘六尚分典乘輿服御皆有貞次後世改復不常開元時以后
下復有四妃非是乃置惠麗華三妃六儀四美人七才人而尚宮
尚儀尚服各二參合前號大抵踵周官相損益云然則尚矣禮本
夫婦詩始后妃治亂因之興亡係焉盛德之君帷薄嚴奧裏謁不
忤于朝外言不內諸閨闥雌之風行彤史之化脩故淑範懿行更
爲內助若夫蠶嬖之興常在中毒第禍既交則情與愛遷顏辭媚
熟則事爲私奪乘易昏之明牽不斷之柔險言似忠故受而不詰
醜行已效反狃而爲好左右附之愴王憲之狡謀鉗其悟先哀誓

健於寵初天下之事已去而恬不自覺此武韋所以遂篡弑而喪王室也至於楊氏未死玄亂厥謀張后制中肅幾斂枉吁可嘆哉中葉以降時多故矣外有攻討之勤內寡嬪溺之私羣閨朋進外戚勢分后妃無大善惡取充職位而已故列著子篇

高祖太穆順聖皇后竇民京兆平陵人父毅在周爲上柱國尚武帝姊襄陽長公主入隋爲定州摠管神武公后生髮垂過頭三歲與身等讀女誠列女等傳一過輒不忘武帝愛之養宮中異它甥時突厥女爲后無寵后密諫曰吾國未靖虜且彊願抑情撫接以取合從則江南關東不吾梗武帝嘉納及崩哀毀同所生聞隋高祖受禪自投牀下曰恨我非男子不能捄舅家禍毅遽掩其口曰母妾言赤吾族常謂主曰此女有奇相且識不凡何可妄與人因畫二孔雀屏間請皆者使射二矢陰約中目則許之射者閱數十皆不合高祖最後射中各一目遂歸於帝始元貞太后羸老有疾而性素嚴諸姒娣皆畏莫敢侍后事之獨怡謹盡孝或淹月不釋

衣復工爲篇章規誠文有雅體又善書與高祖書相雜人不辨也崩於涿郡年四十五帝在煬帝時多畜善馬后見曰上性樂此盍以獻徒留之速罪無益也不聽頃果坐譴帝後見隋政亂多妄誅殛乃爲自安計數奏鷹犬異駒煬帝果喜擢位將軍因泣謂諸子曰早用而母言得此久矣帝有天下詔即所葬園爲壽安陵謚曰穆及附獻陵尊爲太穆皇后始太宗生有二龍之符后於諸子中愛視最篤後即位過慶善宮覽觀梗歛顧侍臣曰朕生於此今母后永違育我之德不可報因號慟左右皆流涕乃享后于正寢它日幸九成宮夢后若平生旣悟潛然不自勝明日詔有司大發倉賑貧瘠以爲后報焉上元中益謚太穆神皇后

太宗文德順聖皇后長孫氏河南洛陽人其先魏拓拔氏後爲宗室長因號長孫高祖禪大丞相馮翊王曾祖裕平原公祖兕左將軍父晟字季涉書史趨鶩曉兵仕隋爲右驍衛將軍后喜圖傳視古善惡以自鑒矜尚禮法晟兄熾爲周通道館學士當聞太穆勸

撫突厥女心誌之每詰晟曰此明睿人必有奇子不可以不圖昏
故晟以女太宗后歸寧舅高士廉妾見大馬二丈立后舍外懼占
之遇坤之泰卜者曰坤順承天載物無疆馬地類也之泰是天地
交而萬物通也又以輔相天地之宜繇協歸妹婦人事也女處尊
位履中而居順后妃象也時隱太子賈闐已構后內盡孝事高祖
謹承諸妃消釋嫌猜及帝授甲宮中后親尉勉士皆感奮尋為皇
太子妃俄為皇后性約素服御取給則止益觀書雖容槁不少廢
與帝言或及天下事辭曰牝雞司晨家之窮也可乎帝固要之訖
不對後廷有被罪者必助帝怒請繩治俟意解徐為開治終不令
有冤下嬪生豫章公主而死后視如所生媵侍疾病輒所御飲藥
資之下懷其仁兄无忌於帝卒布衣交以佐命為元功出入卧內
帝將引以輔政后固謂不可乘間曰妾託體紫宮尊貴已極不願
私親更據權于朝漢之呂霍可以為誠帝不聽自用无已為尚書
僕射后密諭令牢讓帝不獲已乃聽后喜見顏閒異母兄安業無

行父喪逐后无忌還外家后貴未嘗以爲言擢位將軍後與李孝常等謀反將誅后叩頭曰安業罪死無赦然向遇妾不以慈戶知之今論如法人必謂妾釋憾於兄無乃爲帝累乎遂得減流越雋太子承乾乳媼請增東宮什器后曰太子患無德與名器何請爲從幸九成宮方屬疾會柴紹等急變聞帝甲而起后輿疾以從官司諫止后曰上震驚吾可自安疾稍亟太子欲請大赦汎度道人祓塞災會后曰死生有命非人力所支若脩福可延吾不爲惡使善無效我尚何求且赦令國大事佛老異方教耳皆上所不爲豈宜以吾亂天下法太子不敢奏以告房玄齡玄齡以聞帝嗟美而羣臣請遂赦帝旣許后固爭止及大漸與帝泣時玄齡小譖就第后曰玄齡久事陛下預奇計秘謀非大故願勿置也妾家以恩澤進無德而祿易以取禍無屬樞柄以外戚奉朝請足矣妾生無益於時死不可以厚葬願因山爲壠無起墳無用棺槨器以瓦木約費送終是妾不見忘也又請帝納忠容諫勿受讒省遊畋作役死

無恨崩年三十六后嘗采古婦人事著女則十篇又爲論斥漢之
馬后不能檢抑外家使與政事乃戒其車馬之侈此謂開本源恤
末事常誠守者吾以自檢故書無條理勿令至尊見之及崩宮司
以聞帝爲之慟示近臣曰后此書可用垂後我豈不通天命而割
情乎顧內失吾良佐哀不可已已謚曰文德葬昭陵因九峻山以
成后志帝自著表序始末揭陵左上元中益謚文德聖皇后

太宗賢妃徐惠湖州長城人生五月能言四歲通論語詩歲自曉
屬文父孝德嘗試使擬離騷爲小山篇曰仰幽巖而流盼撫桂枝
以凝想將千齡兮此遇荃何爲兮獨往孝德大驚知不可掩於是
所論著遂盛傳太宗聞之召爲才人手未嘗廢卷而辭致贍蔚又
無淹思帝益禮顧擢孝德水部員外郎惠再遷充容貞觀末數調
兵討定四夷稍稍治官至百姓勞怨惠上疏極諫且言東戍遼海
西討岷丘士馬罷耗漕饑漂沒捐有盡之農趣無窮之壑圖未獲
之衆喪已成之軍故地廣者非常安之術也人勞者爲易亂之符

也又言翠微玉華等宮雖因山藉水無築構之苦而工力和倅不謂無煩有道之君以逸逸人無道之君以樂樂身又言伎巧爲喪國斧斤珠玉爲蕩心酇毒侈麗纖美不可以不遏志驕於業泰體逸於時安其剴切精詣大略如此帝善其言優賜之帝崩哀慕成疾不肯進藥曰帝遇我厚得先徇馬侍園寢吾志也復爲詩連珠以見意永徽元年卒年二十四贈賢妃陪葬昭陵石室惠之弟齊聃齊聃子堅皆以學聞女弟爲高宗婕妤亦有文藻世以擬漢班氏高宗廢后王氏并州祁人魏尚書左僕射思政之孫從祖母同安長公主以后婉淑白太宗以爲晉王妃王居東宮妃亦進冊擢父仁祐陳州刺史帝即位立爲皇后仁祐以特進封魏國公母柳本國夫人仁祐卒贈司空初蕭良娣有寵而武才人貞觀末以先帝宮人召爲昭儀俄與后良娣爭寵更相毀短而昭儀詭險即誣后與母挾媚道蠱上帝信之解魏國夫人門籍罷后舅柳奭中書令李義府等陰佐昭儀以偏言怒帝遂下詔廢后良娣皆爲庶人囚

宮中后母兄良娣宗族悉流嶺南許敬宗又奏仁祐無他功以宮
掖故超列三事今庶人謀亂宗社罪宜夷宗仁祐應斷棺陛下不
窮其誅家止流竄仁祐不宜引庇廕宥逆子孫有詔盡奪仁祐官
爵而后及良娣俄爲武后所殺改后姓爲蟒良娣爲梟初帝念后
間行至囚所見門禁銅嚴進飲食竇中惻然傷之呼曰皇后良娣
無恙乎今安在二人同辭曰妾等以罪棄爲婢安得尊稱耶流淚
嗚咽又曰陛下幸念疇日使妾死更生復見日月乞署此爲回心
院帝曰朕即有處置武后知之促詔杖二人百剔其手足反接投
釀甕中曰令二嫗骨醉數日死殊其尸初詔旨到后再拜曰陛下
萬年昭儀承恩死吾分也至良娣罵曰武氏狐媚翻覆至此我後
爲猫使武氏爲鼠吾當扼其喉以報后聞詔六宮母畜猫武后頻
見二人被髮瀝血爲厲惡之以巫祝解謝即徙蓬萊宮厲復見故
多駐東都中宗即位皆復其姓

高宗則天順聖皇后武氏并州文水人父士夔見外戚傳文德皇

后崩久之太宗聞立護女美召爲才人方十四母楊慟泣與訣后
獨自如曰見天子庸知非福何兒女悲乎母贊其意止泣既見帝
賜號武媚及帝崩與嬪御比皆爲比丘尼高宗爲太子時入侍悅之
王皇后久無子蕭淑妃方幸后陰不悅它日帝過佛廬才人見且
泣帝感動后廉知狀引內後宮以撓妃寵才人有權數詭變不窮
始下辭降體事后后喜數譽於帝故進爲昭儀一旦顧幸在蕭右
寢與后不協后性簡重不曲事上下而母柳見內人尚宮無浮禮
故昭儀伺后所薄必款結之得賜予盡以分遺由是后及妃所爲
必得得輒以聞然未有以中也昭儀生女后就顧弄去昭儀潛斃
兒衾下伺帝至陽爲歡言發衾視兒死矣又驚問左右皆曰后適
來昭儀即悲涕帝不能察怒曰后殺吾女往與妃相讒媚今又爾
邪由是昭儀得入其訾后無以自解而帝愈信愛始有廢后意久
之欲進號宸妃侍中韓瑗中書令來濟言妃媚有數今別立號不
可昭儀乃誣后與母獸勝帝挾前憾實其言將遂廢之長孫无忌

褚遂良韓瑗及濟瀨死固爭帝猶豫而中書舍人李義府衛尉卿
許敬宗素險側狙勢即表請昭儀爲皇后命羣臣及四夷酋長朝后肅義門
于志寧奉璽綬進昭儀爲皇后命羣臣及四夷酋長朝后肅義門
內外命婦入謁朝皇后自此始后見宗廟再贈士襲至司徒爵周
國公諡忠孝配食高祖廟母楊冉封代國夫人家食魏千戶后乃
製外戚誠獻諸朝解釋譏謠於是逐无忌遂良踵死徙寵煽赫然
后城寓深痛柔屈不恥以就大事帝謂能奉己故扳公議立之已
得志即盜威福施施無憚避帝亦儒昏舉能鉗勒使不得專久稍
不平麟德初后召方士郭行眞入禁中爲蠱祝宦人王伏勝發之
帝怒因是召西臺侍郎上官儀儀指言后專恣失海內望不可承
宗廟與帝意合乃趣使草詔廢之左右馳告后遽從帝自訴帝羞
縮待之如初猶意其恚且曰是皆上官儀教我后諷許敬宗構儀
殺之初元舅大臣拂旨不閱歲暑覆道路目語及儀見誅則政歸
房帷天子拱手矣羣臣朝四方奏章皆曰二聖母視朝殿中垂簾

帝與后偶坐生殺賞罰惟所命當其忍斷雖甚愛不少隱也帝晚
益病風不支天下事一付后后乃更爲太平文治事大集諸儒內
禁殿譲定列女傳臣軌百僚新誠樂書等大氏千餘篇因今學士
密裁可奏議分掌相權始士襄娶相里氏生子元慶元爽又娶楊
氏生三女伯嫁賀蘭越石蚤寡封韓國夫人仲即后季嫁郭孝慎
前死楊以后故寵日盛徙封榮國始兄子惟良懷運與元慶等遇
楊及后禮薄后銜不置及是元慶爲宗正少卿元爽少府少監惟
良司衛少卿懷運淄州刺史它日夫人置酒酣謂惟良曰若等記
疇日事乎今謂何對曰幸以功臣子位朝廷晚緣戚屬進憂而不
榮也夫人怒諷后僞爲退讓請惟良等外遷無示天下私繇是惟
良爲始州刺史元慶龍州元爽濠州俄坐事死振州元慶至州憂
死韓國出入禁中一女國姝帝皆寵之韓國卒女封魏國夫人欲
以備嬪職難於后未決后內忌甚會封泰山惟良懷運以岳牧來
集從還京師后毒殺魏國歸罪惟良等盡殺之氏曰蝮以韓國子

敏之奉土襄祀初魏國卒敏之入弔帝爲慟敏之哭不對后曰兒
疑我惡之俄取死楊氏徙鄼衛二國咸亨元年卒追封魯國謚忠
烈詔文武九品以上及五等親與外命婦赴弔以王禮葬咸陽給
班劍葆仗鼓吹時天下旱后僞表求避位不許俄又贈士襄太尉
兼太子太師太原郡王魯國忠烈夫人爲妃上元元年進號天后
建言十二事一勸農桑薄賦徭三給復三輔地三息兵以道德化
天下四南北中尚禁浮巧五省功費力役六廣言路七杜讒口八
王公以降皆習老子九父在爲母服齊衰三年十上元前勲官已
給告身者無追覈十一京官八品以上益稟入十二百官任事久
材高位下者得進階申滯帝皆下詔略施行之蕭妃女義陽宣城
公主幽掖廷幾四十不嫁太子弘言于帝后怒酖殺弘帝將下詔
遜位于后宰相郝處俊固諫乃止后欲外示寬裕劫人心使歸己
即奏言今羣臣納半俸百姓計口錢以贍邊兵恐四方妄商虛實
請一罷之詔可儀鳳三年羣臣蕃吏長朝后于光順門即并州建

太原郡王廟帝頭眩不能視侍醫張文仲奏鳴鶴曰風上逆砭頭
血可愈后內幸帝殆得自專怒曰是可斬帝體寧刺血處邪醫頓
首請命帝曰醫議疾烏可罪且吾眩不可堪聽爲之醫一再刺帝
曰吾目明矣言未畢后簾中再拜謝曰天賜我師身負繒寶以賜
帝崩中宗即位天后稱皇太后遺詔軍國大務聽參決嗣聖元年
太后廢帝爲廬陵王自臨朝以睿宗即帝位后坐武成殿帝率羣
臣上號冊越三日太后臨軒命禮部尚書攝太尉武承嗣太常卿
攝司空王德貞冊嗣皇帝自是太后常御紫宸殿施慘紫帳臨朝
追贈五世祖後魏散騎常侍克己爲魯國公妣裴即其國爲夫人
高祖齊殷州司馬居常爲太尉北平郡王妣劉爲王妃曾祖永昌
王諤議參軍贈齊州刺史儉爲太尉金城郡王妣宋爲王妃祖隋
東郡丞贈并州刺史大都督華爲太尉太原郡王妣趙爲王妃皆
置園邑戶五十考爲太師魏王加實戶滿五千妣爲王妃王園邑
守戶百時睿宗雖立實囚之而諸武擅命又謚魯國公曰靖裴爲

靖夫人北平郡王曰恭肅金城郡王曰義康太原郡王曰安成妃從夫謚太后遣冊武成殿使者告五世廟室於是柳州司馬李敬業括蒼令唐之奇臨海丞駱賓王疾太后脅逐天子不勝憤乃募兵殺揚州大都督府長史陳敬之據州欲迎廬陵王衆至十萬楚州司馬李崇福連和盱眙人劉行舉嬰城不肯從敬業攻之不克太后拜行舉游擊將軍擢其弟行實楚州刺史敬業南度江取潤州殺刺史李思文曲阿令尹元貞拒戰死太后詔左玉鈴衛大將軍李孝逸爲揚州道行軍大總管率兵三十萬討之戰于高郵前鋒左豹韜果毅成三朗爲唐之奇所殺又以左鷹揚衛大將軍黑齒常之爲江南道行軍大總管并力敬業興三月敗唐首東都三州平始武承嗣請太后立七廟中書令裴炎沮止及敬業之興下炎獄殺之并殺左威衛大將軍程務挺太后方怫恚一日召羣臣廷讓曰朕於天下無負若等知之乎羣臣唯唯太后曰朕輔先帝踰三十年憂勞天下爵位富貴朕所與也天下安佚朕所養也先帝

棄羣臣以社稷爲託朕不敢愛身而知愛人今爲戎首者皆將相
何見負之遽且受遺老臣抗扈難制有若裴炎乎世將種能合亡
命若徐敬業乎宿將善戰若程務挺乎彼皆人豪不利於朕朕能
戮之公等才有過彼蚤爲之不然謹以事朕無詔天下笑羣臣頓
首不敢仰視曰惟陛下命久之下詔陽若復辟者睿宗揣非情固
請臨朝制可乃冶銅匱爲一室署東曰延恩受于賞自言南曰招
諫受時政失得西曰申冤受抑枉所欲言北曰通玄受識步秘策
詔中書門下一官典領太后不惜爵位以籠四方豪桀自爲助雖
妄男子言有所合輒不次官之至不稱職尋亦廢誅不少縱務取
實材眞賢又畏天下有謀反逆者詔許上變在所給輕傳供五品
食送京師即日召見厚餉爵賞勲勳之凡言變吏不得何詰雖耘
夫堯子必親延見稟之客館敢稽若不送者以所告罪之故上變
者徧天下人人屏息無敢議新豐有山因震突出太后以爲美祥
赦其縣更名慶山荆人俞文俊上言人不和疣贅生地不和堆阜

出今陛下以女主處陽位山變爲火非慶也太后怒投嶺外詔毀
乾元殿爲明堂以浮屠薛懷義爲使督作懷義鄂人本馮氏名小
寶偉岸淫毒佯狂洛陽市千金公主嬖之主上言小寶可入侍后
召與私悅之欲掩迹得通籍出入使祝髮爲浮屠拜白馬寺主詔
與太平公主婿薛紹通昭穆紹父事之給廄馬中官爲騎侍雖承
嗣三思皆尊事惟謹至是護作土數萬巨木率一章千人乃能引
又度明堂後爲天堂鴻麗嚴奧次之堂成拜左威衛大將軍梁國
公始作崇先廟于西京享武氏承嗣僞款洛水石導使爲帝遣雍
人唐同泰獻之后號爲寶圖擢同泰游擊將軍於是汜人又上瑞
石太后乃郊上帝謝況自號聖母神皇作神皇爾更改寶圖曰天授
聖圖號洛水曰永昌水圖所曰聖圖泉勒石洛壇左曰天授聖圖
之表改汜水曰廣武時柄去王室大臣重將皆撓不得逞宗室孤
外無寄足地於是韓王元嘉等謀舉兵唱天下迎還中宗琅邪王
沖越王首先發諸王倉卒無應者遂敗元嘉與魯王靈夔等皆自